

雁洋李氏族谱

(根据光绪癸卯本重排)

2004年12月于雁洋时雨斋

定世次辈字

十六世雁洋十七世嘉应十八世祖宗十九世发祥
二十世俊英廿一世绩绪廿二世贤能廿三世传芳
廿四世荣华廿五世代盛廿六世功德廿七世远扬
廿八世愈昌廿九世益广卅十世地久卅一世天长

乾隆四十五年庚子岁初镌族谱全部合共壹佰捌拾叁帙
为壹本，其修费刊费系中庐公自办不斂族众。

嘉应州雁洋李氏族谱

道光二十六年丙午岁重镌族谱合共肆佰零陆帙为叁
本，其修费刊费系中庐公裔警斋公裔共办仍不斂族众。

光绪二十九年癸卯岁续镌族谱全部合共陆佰叁拾帙为
伍本，其修费刊费系各祖尝及族众捐资协办，要者仅收纸料
刷费装裁工本不收板资，谨白。

李氏义学藏板

李氏族谱总目 四帙

初修序 十六帙.....	1
新增序 三帙.....	8
续增序 四帙.....	10
初修例言 一帙.....	12
新增例言 一帙.....	13
续增例言 二帙.....	14
初修传赞 十帙.....	16
新增传赞 十二帙.....	25
续增传赞 十三帙.....	35
尝序 五帙.....	47
祭州祠规 二帙.....	50
初修移居 五帙.....	52
新增移居 四帙.....	56
续增移居 八帙.....	60
丙午续修费用数目 一帙.....	67
己亥续修捐银数目 一帙.....	68
闽杭太始祖茔记 二帙.....	69
新增闽杭五代庙茔图注 并序共十六帙.....	71
新增大宾公祠图 四帙.....	86
新增英裕公祠图 四帙.....	90

雁洋开基系图 分八卷

卷一

鼻系图 一帙.....	103
三郎公系图 共十八帙.....	104

卷二

鼻系图 一帙.....	120
十一郎公系图 共五十帙.....	121

卷三

鼻系图 一帙.....	168
十一郎公长房宣公系图 共二十帙.....	169
二房鉴公系图 附一帙.....	187

卷四

鼻系图 一帙.....	188
-------------	-----

十一郎公三房明公长房云林公系图 共一百七十九帙.....	189
卷五	
鼻系图 一帙.....	345
十一郎公三房明公二房大宾公系图 共一百二十帙.....	346
卷六	
鼻系图 一帙.....	470
十一郎公四房聪公系图 共二十七帙.....	471
卷七	
鼻系图 一帙.....	496
十二郎公系图 共二帙.....	497
十三郎公 附.....	498
满郎公 附.....	499
卷八	
鼻系图 一帙.....	500
十四郎公系图 并下共十八帙.....	501
十五郎公系图.....	511
满郎公系图.....	514
初修文	
惕衷公寿序二篇 并下共十六帙.....	518
陟瞻公寿序二篇.....	519
信山公配杨孺人寿序.....	520
陟瞻公著序记四篇	
太平桥序.....	521
安济侯庙序.....	521
分关序.....	522
木石亭记.....	523
陟瞻公履历.....	523
入忠孝祠纪实.....	524
入忠孝祠绅耆结文二则.....	525
入忠孝祠申详各宪批文三则.....	525
新增文	
惕衷公入县志 三志共一帙.....	526
陟瞻公入省志.....	526
砥庵公入县志.....	526
请准入节孝祠文四则 二帙.....	527
中庐公寿序二篇 并下共十六帙.....	528
南轩公寿序.....	529

譬斋公配杨孺人寿序.....	530
雨之公寿序二篇.....	531
鹄亭公寿序.....	533
熙斋公配梁孺人寿序.....	534

续增文

请准入节孝祠文三则 一帙.....	535
泰丰公配罗夫人寿序 并下共二十六帙.....	536
岱丰公配黎安人双寿序.....	536
燕寿公配张宜人寿序.....	537
厚卿公寿序.....	538
齐海公配杨安人寿序.....	538
义门公配王宜人寿序.....	539
畅轩公寿序.....	540
菊人公配杨恭人寿序.....	540
春园公配卜宜人双寿序.....	541
东星公寿序.....	542
诰臣公寿序.....	543
少芴公配杨安人寿序.....	543
海皆公配林恭人双寿序.....	544
欣亭公寿序.....	545

初修

跋诗 一帙.....	547
------------	-----

新增

跋诗 二帙.....	548
------------	-----

续增

跋诗 一帙.....	550
------------	-----

新增

跋文 一帙.....	551
------------	-----

续增

跋文 一帙.....	552
------------	-----

续增

书后 二帙.....	552
------------	-----

计族谱一部，合共陆百叁拾帙，共八卷，分为伍本。

第一本自总目一帙起至英裕祠图四帙止，合共壹百壹拾柒帙为壹本。

第贰本自卷一鼻系图一帙起至卷四高枧房三十一帙止，合共壹百贰拾肆帙为壹本。

第叁本自卷四三十二帙起至卷末一百七十九帙止，合共壹百肆拾捌帙为壹本。

第肆本自卷五鼻系图一帙起至卷末一百二十帙止，合共壹百贰拾壹帙为壹本。

第伍本自卷六鼻系图一帙起至部末续增书后二帙止，合共壹百贰拾帙为壹本。

叙

己亥夏月，李君中庐携其谱稿来，述其曾祖忠孝公生平事迹，一一载诸传志可考，特修谱一举，有志未逮，曾笔以遗后人。兹欲继厥志第，修雁洋肇基一派，不能及远祖火德诸裔，恐不满前人愿，心若有歉焉者而以告余。余阅其稿，源流支派系次井然，记注简明，志传详赡。不禁喟然曰：“善哉，此足可法可传也”。记云：“尊祖故敬宗，敬宗故收族。”谱也者，所以尊祖收族也。近世族系不明，谱多疑似，攀援附会，识者鄙之。君家自皋陶因官而改氏，史册传芳，代有闻人。今君阙其所不审者，惟以肇基一脉，递而衍诸十八九世，旁而推之千万人，世次亲疏远近，无淆无遗，可谓善矣。夫人各亲其亲而后不独亲其亲。苏文忠公修其家谱，止及五世，其官眉者且不及其所自出，则详以尊之，且曰：分。至于涂人者势也，无如之何也，幸而未至于涂人，使无忽忘焉可也。呜乎，观吾谱者，孝悌之心可以油然而生矣。古人严谨如此，君师其意且更扩而充之矣，洵所谓善继述者又何歉，与其可以此授之梓以传诸后云。

乾隆四十四年己亥孟夏

赐进士出身山西按察使司按察使蓝钦奎拜撰

蓝钦奎印

景光



〔注〕蓝钦奎是梅城蓝屋巷人（西门蓝氏八世祖）。清雍正十一年（公元1733年）上京中试第二百八十六名进士殿试第三甲第三名，由户部主事晋升郎中，乾隆十年（公元1745年）出任西安知府，后迁任山西按察使（又称臬台，主管司法），乾隆三十年（公元1765年）署理山西巡抚（又称抚台，主管政务），又兼提督（又称藩台，主管军事），任内清正廉洁，政绩卓著，深得百姓爱戴和皇帝赏识。乾隆五十年（公元1785年），乾隆帝举办首次千叟宴，时年七十九高龄的蓝钦奎由在山东青州益都任知县的儿子官邸中启程到北京参加千叟宴。年事已高的蓝钦奎在参加完君臣欢庆的盛宴后又回到儿子任职的地方，时隔不久就与世长辞了。（据《梅州日报》2004年11月15日第一版文摘录）

叙

族谱之作所以谱一家之支分派别，亦以谱历代之祖德宗功，义主敦睦，意存风励。一事而二美，具眉山谱引与谱序可徵也。世人贪名慕势，贵而贤，则各派联为宗支；贱而愚则同根视若秦越。文山先生跋彭和甫族谱所为慨乎言之也。吾梅族姓，莫蕃于李，亦莫著于李。明季二何先生乔梓鹊起，于先国朝惕斋先生公孙振兴于继，皆卓卓为李氏光，而稽诸邑乘，人文蔚起，雁洋一派又属权舆，考前明嘉靖年间，雁湖父子或以文学著，或以吏治显，彬彬郁郁代有其人。

兴朝定鼎初，都司李公巍然忠孝，尤足为其后嗣范典型。未远高曾如旧述，先美以绳祖武人情固不甚相远乎。

明经正华先生，余同庚兄也。能读祖父书，携其新谱请叙于余，余览其谱图，大都原本欧阳公然。虽实本肇基执事以为宗，仍系别子，火德以为始，得万物本天人本乎祖之意。其中帙分五格以联五服，则亲亲之道明，详肇基以来之嘉言懿行则风励之意寓，至其族之或在广、或在循、或在潮属、或在高雷、或居江右楚南，必合其昭穆无使失序。其界在闽杭分派者，宁阙以待考。使近者不疏，而远者不混，则又异于贪名慕势者之所为。余已颇知邑世家之故，又喜是谱合眉山之旨，免文山之讥，观之者可以兴起其孝悌之心而竟思媲美前休也，爰乐而为之序。

乾隆四十四年己亥之夏

赐进士出身，诰授武显大夫历镇福建汀漳金门各路台澎挂印使者年庚弟颜鸣皋题

鸣皋之印

紫冠



叙

雁洋李氏与吾族累世通家也，中庐又为吾执友，自弱冠从游先大父于松江五龙书室，余方幼学，大父尝对余嘉其器识沉毅，才情发越，自成一家。言及壮岁，丁卯与余同受知于醴谷。夏夫子亦赏其文，自然中饶有古致。越庚午，余既与畏轩乃兄同举矣，丁丑成进士，累官京师，中庐何奇不遇也。乡有来都者，时访其何为。己亥年六一于家书中特密访之，家君乃手书谕曰：斯人耆而目昏，似无上进志，窃喜其力行有可观者。己丑郡邑大饥，多方助赈。郡邑宰皆赐匾旌之。乙未大水买米以济其乡之屋颓不举火者；戊戌捐田购工，防备其乡田之旱；兹则自备其雁洋肇基一脉相传之族谱，无分亲疏远迹，上追十五世以前，旁联千百族之广，扬功颂德，存亡继绝，世次井然，支派灿然，若刊布流传以垂永久，以故乡之先达硕望，如臬台蓝公景光、镇台颜公丹崖、州学正陆丰叶公讳开皆嘉予之而序其事。余读之，跃然曰：斯诚不愧为吾良友也。夫咏世德之骏烈诵先人之清芬，此为文之快事也。尊祖故敬宗，敬宗故收族，此为学之正业也。士君子读书怀古，达则行其道于朝廷邦国，处则行其义于乡党宗族，进则修史于国，退则修乘于家。今中庐之修于家，如此使其得献于廷更有可观。转忆我先大父尝识不爽，夏夫子衡鉴不虚也。未卜何时一樽酒，重与细论文？爰亟邮寄数言，劝我中庐毋以老而志衰。

时 大清龙飞乾隆四十四年己亥冬月

赐进士出身 诰授中宪大夫兵部掌印给事中加三级

钦命巡视东城察院前掌京畿道江西道监察御史加一级年姻家眷同学弟梁英佐秋圃氏拜撰

叙

余家世居惠之陆丰，距程仅数百里。余侄与鹏文李君子联亲，得悉其来自程之雁洋，其先世雁湖子万孙或中巍科或与岁荐，皆筮仕赫赫。雁湖有“庭前一老，才蒙天子放回，膝下五儿又沐朝廷征去”之句，心窃慕之。予任文安县令改授嘉应学正，谒忠孝祠，知都司李公亦雁湖一派，前后济美，盛德大业载诸志传，班班可稽。今游吾庠者万，正华、嵩仑、焕猷、奎光诸生，德性问学克绳祖武至列辟雍者，不可胜数，登仕版者又垒垒万万，皆相与往来晋接尝素，其族谱以详其一家之盛，正华乃抄其修谱以质余，余阅之，始信地灵人杰，良不诬也。阴那五峰高插云汉，固为梅州之胜境，实为雁洋之发源。山则层峦叠嶂，水则曲折纡回，蜿蜒奔赴于雁洋，万屏嶂万楼阁环抱拱揖，正在门闾襟带间，聚族于斯，何怪其人文蔚起也。予尝阅州志人物前著者莫如李氏，太史二何先生一派、太史惕斋先生又一派，前前者又始雁洋一门，今正华所修雁洋之谱与二何、惕斋两太史又各为一派，而同祖乎？州城之火德祠夫亦犹行古之道也，别子为祖，继别为宗。火德为一州四邑之别子，执事又为雁洋一户之别子，其各继别为宗也夫亦犹行古之道也。观其自雁洋一脉推而广之，引而近之，支分派别一线相承，不滥不遗不忒甚，得仁率亲众率祖一轻一重之礼矣。予既与李为累世通家，今又掌教兹土，详厥里居表厥氏族而为之序也。

固时 乾隆四十四年己亥夏

甲子科举人原任文安县知县改授

嘉应州学正随带加三级年姻世眷弟叶开书于古梅学署

原谱序

族之有谱，上以溯祖宗不忒之本源，下以传子孙无穷之支派，分者联之使合，涣者统之使萃。世次明、亲疏辨、昭穆序、伦纪肃、敦睦族而笃爱敬，绵世泽而振家声，仁道存焉，义亦以著。陇西李氏，海内巨族也，理官改氏，犹龙降祥，历周秦汉唐宋元明，愈衍愈盛，若月印万川，在在咸著。而我始祖执事公又闽杭火德裔也，火德公由宁移杭在宋元之界，执事公由杭入雁实元明之交。考诸谱图，总以始迁之祖为别子，是故官田之谱但传火德公以后，其先则略而弗详。我雁洋之谱则记执事以来，其前亦存而弗论，以著实也，以示信也。今由执事公顺数至顺治己亥，爰著一十三代，于中配偶生育仕宦创建嘉言懿行庐墓名号，凡可法可传以昭示来许者，略采录焉。离散之后，寥落无几，传则未确，后世子孙弥昌弥炽，使修明者按世追稽，依谱式序因略而识其详，无谬舛阙略之患，诃不休哉。予亲承鼎革之会，始睹治平之休，深知族谱有关于祖宗子孙分合萃涣之重，特弁数言以劝来者，是为引。

太清顺治己亥菊月之吉，十一世孙世荫撰稿

圣天子治教覃敷重熙累洽于斯为盛，百余年来道一风同愈臻上理者皆本敦孝弟，以重人伦笃宗族以昭雍睦为首务，举而措之，人人亲其亲，长其长，而天下太平也。忆我曾祖忠孝公，际兴朝鼎定之初，尽忠于国，旋即尽孝于家，功成身退，亦以修祖坟立蒸尝为先图，既自捐资拨产，复合族众襄成。每当朔望，遵例率族党宣读圣谕，讲约于乡，至今亭址铎牌犹存，此意至深远矣。窃尝思之，曾祖生平建立散著于缙绅，先生之文遍传于乡党州闾之口，为所难为，亦为所能为，胡独于族谱未修遗笔以期后人。想其时，乱离甫定，还集者尚无几家，散移者莫知其处。族祖世荫公虽辑，其略必多未详未备之虞。即今百二十年，迁徙四布，近而广潮高惠诸郡，远而荆湖江北各省，衣冠文物多闻有人，尚得其略，未尽其详，何况当时宁不期望哉。弼也赋性疏愚，景仰前徽，窃亦有志，奈壮盛之年灯窗攻苦未之获遑，庚午乡荐后仕途驰驱至丙戌，奉简命秉铎高郡十有余载，旋谒选得缺于甘肃之正宁，每怀靡，及兹冬，儿曹携谱来署，知弟中庐捐资修谱，复商朝仁弟、嵩仑侄共参，遂掀髯喜曰：此吾曾祖欲为而未逮，亦吾欲为而未能，于今为之，愿慰矣。所谓时至事起，待其人而后行者也，更可嘉者，我始祖执事公，由闽入粤于元明之交肇基雁洋，计今年余五百，世几二十，蕃衍遍布几难悉记，又何俟攀援而强合？今谱中惟详肇基一脉，其名讳谥号娶妻生子官职封赠、里居葬所及有助业、文章、嘉言懿行，可法可传者，披图如见。至太始祖火德公之旁，存而阙其疑，火德公之上远而不复稽，此又师先哲作谱之意，论谱之识而不必袭其迹也，于戏泽流雁渚，衍万派而同源，蟠结仙根茂千枝而共本，绍前烈而启后绪，不朽盛事其在兹乎，其亦仰体圣天子敦笃之意，忠孝公敬睦之期乎？又奚啻慰我之夙愿已也。爰弁数言囑登枣而付于谱。

乾隆四十四年己亥长至日十五世孙弼敬书于罗川之官署

叙

始祖执事公之肇基雁洋也，数百有余岁矣，今传一十八世，族未有谱。己亥清明日，祭六世祖承恩公，在坟有议修者金曰：俟次年议费传知各房。越三日，正华弟来谒余，曰：自清明日闻修谱议后回家，踌躇至夜寝而不寐，思此举，自幼从族众祭祖，无年不有议者，未之能行。今又云以待来年，吾恐年待一年，修诸何人？费将焉出？因循不决，仍如故也。至三更，因起叩嵩仑侄扉而商之。嵩曰：信如是是将何如？华曰：吾年老目昏不能独任，今幸侄设教家塾，兼而为之甚易。修费与刻费，华自任之。族众乐捐资者无论多寡亦并收焉，刊名于谱，存为日后续修计，否则亦必为矣。嵩喜曰：此举甚善，叔果有志，侄愿竭力。但已受教读之责，又且科场期迫，力恐不逮。叔亦事务纷纭，更须择一族内老成练达，不辞辛勤，专司其事，合参而后可。二人慎简三日，计无出兄右者，故特来谒而劝驾。余曰：此吾素志微弟言吾早筹之，亦恐老无能为，未卜克副弟侄之望否？即至存异庄，从亲近易知者起稿，后与华到各家亲自询问，茫无津涯，至石碣寨，忽得一手抄顺治己亥世荫公所辑谱稿，二人大喜曰：此祖宗之灵宗族之幸，虽略而未详，有其基，可要厥成矣。渐次偏传于散处之远者得数十派，合编而汇纂之，其余传未及修未修者尚多。越一载，稿凡三易，兢业自慎，惟恐失误。正华弟即欲付之梓，余曰：此举太促，得毋有未详未备之憾与？华曰：兄若弟年俱逾六旬，焉得亲自远方？而遍修之谱已刊成，近者得刊谱，可各自查明，失者改之，远者得刊谱，可互相传集，缺者补之，此亦修谱之权术也。余喜正华弟之权宜，窃计是谱源流分、支派明、世次定、亲疏辨、聚散知、远近悉、居处详，亦可为续雁洋谱者之一助夫，谱中之规例详略，诸序已明言之，余不赘，略叙修谱之颠末，两三人之商略问答，付诸梓以告后之续编者知：此事难而易，易而难。

乾隆庚子岁孟夏之吉

十五世孙朝仁盥沐谨识

己亥春嵩崙随族献后预商修谱事，比定稿间助校理，抵秋应乡试顺至增邑，传告各房。冬杪稍辑前人行略恭次诗十四章，业未就而科试期迫，舌耕糊口无暇平业，清夜扪心毗然汗出。今匝期而谱成登枣矣。上绳祖武下昭来许，厥事重哉厥责艰哉。独力捐资参订者，初从中庐叔也，极力编纂校修者，二从嵩舒叔也。夫贪人之功以为己力，人可欺神不可欺也。力未遂而志犹有待，名不敢冒，心尤未敢安也。然而披图按系，昭穆明也，挈要提纲规模定也。谱辑始于顺治己亥，刊续于乾隆己亥，百二十年，运重新也，数适侔也。刊略于今日，增美于来兹，绵绵延延，思弥远而望弥侈也。家乘者家政所由见也，后之视今犹今之视昔，用殷殷于此，后贤达之续是谱者也。易曰：神而明之存乎其人也。

乾隆庚子孟夏十六世孙嵩崙谨识并书

叙

稽一家之姓氏，溯百世之本支，由一本而万殊，会万殊于一本。第自一而十而百而千，同条共贯也，散而易纪，自千而万而亿而兆，共贯同条也。繁而难该，故人莫不有报本追远之心，亦莫不有乐生反始之念，所以虞夏殷周禘同而郊异，祖同而宗异也。粤李姓之由来，自陶唐而既肇皋陶，因官而改氏，聃母攀树而生名嗣，是代有闻人垂诸史册，世多贤哲载在简编，然与其远引而繁称，孰若近取而约举。吾族各有谱牒，多以火德为始，火德以上阙而弗详，非不欲传也，传之而不胜传耳。各谱虽始火德，亦以肇基相续，肇基以外略而弗详，非不欲详也，详之而不尽详耳。我执事公之肇基雁洋也，在元明之交，计今四五百年、十八九世矣。惜前代之谱系，遭明季之兵燹散佚，虽存断残失据。当大清顺治之十有六年，为族祖世荫之十有一世拾煨烬而辑其遗略，自作序而叹其弗详。我曾祖忠孝公正值兴朝开创之会，投笔从戎，固已忘家而为国，迨至功成身退之余，逆蠹旋梗又复后私而急公，至老而思欲修明，有志而愿难自谦，是以笔之遗书，特异后人。藐予正华世居十五之世，年登六一之年，本渺见而寡闻，复眼花而志短，何敢妄希述作负疚幽明，然屈指肇基以来，既传一十八世，计续世荫以后又复百二十年，深恐世愈久而一家之文献难徵，后虽多材，未免传疑而传信，族愈蕃而数世之亲疏或混，今若失次势将逾戚而逾尊。虽自信为昏庸而势难谗任，亦自知为固陋而时难再迟。夫远而溯诸执事以前，旁而包乎火德之广，华也不敏尚有待乎后贤，若近而联乎，肇基以下亲而达诸雁洋之分。华虽不材，急欲纂于今日，乃与从侄嵩崙商之，慨然同志也，更与从兄朝仁谋之，翕然同心也，参诸旧谱之志传图式，考以互订之条款注疏，不顾方家窃笑，只求奕世真传，敢谓继前人之善志，抑或开后人之引伸，庶于往者不无小补，亦于来者稍有裨益也，是为序。

时 大清龙飞乾隆四十四年岁次己亥孟夏之吉
十五世裔孙正华盥手谨书

增修谱序

族之有谱所以溯一本联宗支也，代愈远而支益繁，非藉谱以记之，必至等同支于陌路，而奕世之伟人懿行亦莫之传，此家乘之所以当修也。吾族雁洋肇祖执事公一脉家谱，乾隆己亥岁十五世中庐公正华捐貲倡修，厥系详矣。距今几七十载，世阅数代，人增数千，若不亟为修之，实有按旧谱而茫然者。先君子譬斋公序旧谱云：所望后之视今犹今之视昔，用殷殷于此，后贤达之续是谱者。中垣譊陋无能，每思先人尊祖敬宗收族，深冀后人继绳之意时心惕焉。惟是频年作客有志未逮，且以族众事钜费重之任，尤非独力能为，因循以待，必难成事。爰于甲辰秋闱后，先捐修脯以资采访。间有前届未修而今始采访者，亦有前届既修今因道远未往采访者，越期年汇辑成编。维时中庐公裔孙慨然仰体先人志事，于剗剗浩费，悉独任之，是真可谓善继述者。夫莫为之前，虽美弗彰；莫为之后，虽盛弗传。吾族椒聊蕃衍愈传愈炽，今日增修得藉旧谱规倣，易成其事。此次考订，详明又足为后之继修者得所取资，绵绵延延，永传勿替。每一展阅，源同支别，昭穆秩，然有不啻合子姓聚首一堂者，敦本睦族，快何如乎？所有谱例，概遵前式，其迁移远方之难考者，照旧存之，非敢略也，力有不及，未得多延时日以废事焉。

道光丙午年八月朔日

十七世孙中垣谨志于羊城北隅青龙里旅寓之励志书室

序

尝读易，至萃而深维之萃者，聚也。物之涣者于萃，观其合宗之涣者于萃，统其同，非刚而得中者不能占其象。今窃于丙午续修家谱验之矣。吾族自宋太始祖火德公由宁迁杭，凡六传至始祖执事公，复由杭迁程，历元明至熙朝，前后五百余年，科名鹊起，仕宦蝉联，文武忠孝彪炳麟煌，子姓繁衍，由近及远，星罗棋布，实不一族，其势甚涣，使非有谱图以萃之，则徒骇覆釜，几忘河出同源瑶光玉衡，焉识缠归一宿？且嘉言懿行，世德也，失之则文献无徵；莖庙蒸尝，先泽也，轶之则孝思顿匱。此我族祖世荫公、曾祖中庐公暨族献嵩舒譬斋两公所以溯本穷原，敬宗收族，蒐辑编纂，日夜不遑者也。顾自庚子谱成而族姓一萃。其时闽杭上五世祖传信传疑，风雨河山，舟车间隔，耳目所限，留待后昆。况自庚子距今六十余年，幸际升平休养生息，有年有幹，寢炽寢昌。而萃者复虞于涣，其在萃之九五曰元永贞，谓萃者勿复使涣，而涣者必更有以萃之也。岁乙巳，閩司铎琼南，接从叔紫君书，念切肯堂，毅然倡首其志宏其行果，斯有合于刚中之旨乎。閩慨然惧先德易湮，邮函里闾。而我中庐公裔维昆若季，夙有同心，咸鼓舞奋兴，共葺厥事，董以香田九弟復参以从伯和堂诸族老，越二载而告成。閩自愧重洋远隔，尺鲤浮沉，传赞各端，间出閩手，不获面与紫君诸人商度详尽，然而披图按系世次秩如记注明简。窃幸吾族子姓既一萃于乾隆庚子旧谱，复再萃于道光丙午新谱，岂不懿与抑閩尤有冀焉者，夫人之精诚萃则蓄，蓄则通，通则光明俊伟，发为文章，蔚为经济。今吾族一旦旁搜远绍，上继宗功下开来哲，敦行苇勿践之思，笃葛藟本根之念，精神所萃，有开必先由是而发，名成业腾，实蜚声必有以远过曩。昔者按卦序萃之后，即继以升。斯谱既成则升之六四，所谓王用亨于岐山者。族有元恺当摺笏从之矣。

道光二十六年岁在

柔兆敦_巳 羊阳月世孙閩中盥手书于珠崖之万阳学署

续增族谱序

家之有乘犹国之有史也，国史所以记政事之得失，世宙之升降，民物之盈虚与夫地輿职官，礼乐制度之沿革；家乘所以载支派之蕃衍，户口之殷繁，称述祖宗之功德以志弗忘，既可考远迁近徙之由，复以昭敬宗收族之谊，其典盖不亚国史重。然吾谓斯民之聚散，每与国运相盛衰。吾族自执事公肇基雁洋，云初递起，而由雁洋迁居各处者，几于无地蔑有，非谱不能载其详。而自顺治迄乾隆道光，以至于今，中经二百余年，子姓日繁，安享太平，无兵革之患使得生聚教训于其间。盖朝廷之深仁厚泽，其所涵濡者为最深也，抑吾尤有异焉者，查顺治己亥辑谱，始于世荫公，乾隆己亥刊谱始于中庐公，道光己亥续上杭五代谱，始于瑞宗公。而旧岁族侄耀南由沪旋里，建议续修，其年又是己亥，先后远近若合符节，岂冥冥中自有定数使之然耶？抑天道六十年而一变，固将藉是以鸣国家之盛耶？吾愿自修谱以后子子孙孙咸知其所以至此，富庶者皆由国家之力，由是士农工贾各安其业，毋忘其本，而其中有掇巍科登显第者，尤当思祖宗积累之艰，朝廷培养之厚，常则为国家图治功，变则为国家御外侮。其所以为家乘光，并所以为国史光者，岂浅鲜哉。然则斯谱之成，吾固不能无厚望焉。

十八世裔孙芾棠谨撰